



Aqqaluaq B Egede
Inatsisartunut ilaasortaq, Inuit Ataqtigiit

Kalaallit Nunaanni Katersugaasiveqartitsineq pillugu § 37 naapertorlugu apeqqutip nr. 096/2020-p akineqarnera

25-06-2020
Suliap normua
All. nr. 10941081

Asasara Aqqaluaq B. Egede,

Postboks 1029
3900 Nuuk
Oqarasuaat: +299 34 50 00
Email: ikin@nanoq.gl
www.nanoq.gl

Inatsisartut suleriaasiat naapertorlugu apeqqutinnut qujanaq. Apeqqutigineqartut tullinnguuttuni akissuteqarfigissavakka.

Apeqqut 1: *Naalakkersuisut Narsarsuarmi katersugaasiveqarnerup ingerlaavarnissaa aningaasaliiviginiarpaat, taamalu amerikamiut Kalaallit Nunaanniinnerannik katersugaasiveqarneq?*

Akissut: Katersugaasiviit akuerineqartut aallaaviatigut Kontumi pingaarnermi, 40.94.12 Kalaallit Nunaata Katersugaasivia Allagaateqarfialu, aningaasaliissutit aqqutigalugit aningaasalersugaanngillat, soorluttaarlu katersugaasivinnut akuerineqartunut aningaasalersuinissamut Aningaasanut Inatsimmi aningaasanik immikkut ittunik immikkoortitsisoqarsimanngitsaq. Katersugaasiveqarneq pillugu Inatsisartut inatsisaanni nr. 8, 3. juni 2015-imeersumi § 36 naapertorlugu Naalakkersuisut kommunalbestyrelsilu sumiiffinni katersugaasivinnut tapiissuteqarsinnaapput. Naalakkersuisullu sumiiffimmi katersugaasivinnut tapiissuteqassappata pisoq immikkuullarissaq tassani pineqartussaavoq, Naalakkersuisullu nalilerpaat pisumi tassani sumiiffinni ileqqoq malillugu katersugaasiveqartitsinermit tunngatillugu nutaaliorneq matumani pineqanngitsaq.

Apeqqut 2: *Naalakkersuisut Kommune Kujallermi kommunemi katersugaasiviit allaffissornerisa kattutsinneqarnissaannik, Narsarsuarmi katersugaasivik tassani ilaatinneqarluni, nalunngisaqarpat?*

Akissut: Naalakkersuisut kommunini katersugaasiviit allaffissornikkut ataatsimoortilerniarnerannut ilisimasaqanngillat.

Apeqqut 2a: *Naamiuppaa; Naalakkersuisut tamanna piviusunngortinniarlugu Kommune Kujallip oqaloqatiginissaanut soqutiginnippat?*

Akissut: Naalackersuisut taamatut allaffissornikkut iliuuseqarniarneq kommuninit suliassaasutut isumaqarfivaat.

Apeqqut 3: *Naalackersuisut amerikarmiut Kalaallit Nunaanniinnerannik ilisimasaqarnerup siuarsarnissaa anguniarlugu aaqqissuussinissamat, soorlu Kalaallit Nunaanni fondimik pilersitsinikkut, pilersaaruteqarpat?*

Akissut: Amerikamiut siusinnerusukkut sakkutooqarnikkut Kalaallit Nunaannii najuunnerisa kingorna salisoqarnissaa pillugu Naalackersuisut danskillu naalagaaffiata akornanni suleqatigiinnissaq pillugu isumaqatigiissusiortoqarnikuuvoq. Taamatut salisoqarnera aamma illuutit ilaasa atortullu allat kulturikkut oqaluttuarisaanikkut pisimasunut uppernarsaatissatut tassaniiginnassanersut pillugit naliliinermik kinguneqartussaavoq.

Tamatuma saniatigut aningaasaateqarfimmik pilersitsisoqarnissaa, allatulluunniit kulturikkut oqaluttuarisaanermut tunngatillugu amerikamiut Kalaallit Nunaanniissimanerannut ilisimasaqarnerulernissaq pillugit Naalackersuisut massakkut pilersaaruteqanngillat.

Apeqqut 4: *Naalackersuisut inatsimmik allanngortitsineq, taamaaliornikkut katersugaasiviit akuerisaasut pisortaniillu pigineqaratik akilersorneqartut matunerminni katersaatimik naalagaaviginissaat aalajangiiffiginnaanissaallu piviusunngortinneqarluni, qanoq kinguneqarnissaanik taakkartuisinnaappat?*

Akissut: Katersugaasivik akuerineqartoq sulinerminik unitsitsisariaqarpat katersugaasiviup katersugaataasa qanoq pineqarnissaat Nunatta Katersugaasiviata Allagaateqarfialatu (NKA) aalajangiivigissavaa. Tamanna NKA-p katersugaasivittut pingaarnertut nakkutilliinissamik pisussaaffeqarneranut attuumassuteqarpoq. Matusisoqarsimatillugu katersugaatit kulturikkut kingornussanut pingaaruteqarlutik ilaammata tamakku piginnarnissaat qulakkiissallugu pingaaruteqarpoq. Kulturikkut takussutissanut pingaarutilinnut piginnittussaaneq NKA-mut tunniunneqanngippat kulturikkut kingornussat ilaat taamaalillutik assinganik illersorneqarsinnaajunnaassapput. Taamaammallu katersugaatit katersugaasiveqarfimmiit tammarnissaat, ajornerpaaffianilu nunatsinniit anninneqarnissaat pinngitsoortinniarlugu tamakku qanoq pineqarnissaannut NKA-p aalajangiinissaa pissusissamisoortutut isigineqarpoq. NKA-p taamaalilluni katersugaatit nammineerluni tigussanerlugit imaluunniit katersugaasivinnut akuerisaasunut allanut tunniutissanerlugit aalajangersinnaavaa. Taamaammallu katersugaatit kalaallit kulturikkut oqaluttuarisaanerannut pingaarutillit katersugaasiviup uninneratigut annaaneqarsinnaagaluartut piginnarnissaat anguniarlugu Katersugaasivinnut inatsimmi § 19 ilanngunneqarsimavoq.

Katersugaasivimmulli akuersissutip tiguneqarnera pissutigalugu matusinissaq aalajangiiffigineqassagaluarpat katersugaasiviup matuneqartup katersugaatiminik pigisaqaannarnissaa aalajangiiffigineqassaaq, matumani katersugaasivik unitsitsinerup kingorna ukiut marluk iluini akuerineqaqqippat.

Apeqqut 5: Allaniq suliamut tunngasunik soqutiginaateqarsinnaasunik Naalakkersuisut paasissutissiisinnaappat?

Akissut: Katersugaasiveqartitsineq pillugu inatsimmi § 13 naapertorlugu Narsarsuarmi katersugaasivimmut akuersissutip atorunnaarnera katersugaasiviup kingusinnerusukkut akuerineqarnissaanut qinnuteqarnissamut sunnuteqarnaviangilaq.

Inussiarnersumik inuulluaqqusillunga


Ane Lone Bagger